

PSB - Bahagian Arkib

From: UUM CORPORATE COMM.
Sent: Monday, 16 December, 2019 10:18 PM
To: UUM - All Staff; UUM - All Students
Subject: UUM Lancar Inisiatif Zahir Kebersamaan



UUM Corporate Comm.
Universiti Utara Malaysia

16 DISEMBER 2019 / 19 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Unifilm

UUM LANCAR INISIATIF ZAHIR KEBERSAMAAN



UUM ONLINE: Bagi menzahirkan rasa kebersamaan dengan staf, alumni dan komuniti setempat, Universiti Utara Malaysia (UUM) telah melancarkan beberapa inisiatif dalam usaha pihak pengurusan menambahbaik pengurusan pentadbiran dan penjana kewangan universiti.

Naib Canselor, Prof. Dato' Dr. Ahmad Bashawir Abdul Ghani berkata, inisiatif yang telah dirancang oleh pihak pengurusan tertinggi UUM itu adalah bagi memastikan kesejahteraan, kemakmuran, kebersamaan, dan kecemerlangan UUM dapat dicapai secara berterusan.

Menurutnya, antara inisiatif tersebut ialah pelaksanaan kutipan dana wakaf menerusi penubuhan Skim Dana Wakaf UUM dan Pra Pelancaran Nombor Pendaftaran Kenderaan UUM.

Katanya, UUM telah diberikan kepercayaan oleh Majlis Agama Islam Kedah (MAIK) untuk melaksanakan kutipan dana wakaf pada September lalu dan pada peringkat permulaan, universiti bersetuju mewujudkan Skim Dana Wakaf Tunai dan Tabung Endowmen UUM untuk membolehkan sumbangan diterima dan diuruskan secara berperingkat.

"Melalui skim ini, UUM telah diberikan kelulusan untuk mengumpul dana wakaf di UUM dan menguruskan dana tersebut bagi tujuan kerohanian, kebajikan, pendidikan, kesihatan dan kepentingan warga universiti.

"Setiap sumbangan yang diterima akan disalurkan kepada MAIK dan wang tersebut dijadikan sebagai simpanan tetap atau pembelian aset dengan dipantau oleh jawatankuasa bersama yang dianggotai oleh UUM dan MAIK, seterusnya, hasil daripada wakaf akan disalurkan semula kepada UUM untuk manfaat pendidikan dan pembangunan modal insan," katanya pada Perhimpunan Bulanan Staf UUM di Dataran Perdana, pagi tadi.

Pada majlis sama, beliau juga mengadakan Pra Pelancaran Nombor Pendaftaran Kenderaan UUM, inisiatif terbaharu yang telah mendapat persetujuan Kementerian Pendidikan Malaysia dan Jabatan Pengangkutan Jalan bagi tujuan penjualan nombor pendaftaran khas kenderaan universiti.

Naib Canselor berkata, tujuan program ini diadakan adalah untuk menunjukkan semangat kebersamaan dan patriotisme staf dan komuniti terhadap universiti yang mana mereka berpeluang membuat tempahan nombor kenderaan yang diminati melalui portal yang akan diumumkan nanti, di samping menjana pendapatan UUM.

Menurutnya, beliau berharap warga UUM dapat bersama-sama berkongsi nikmat yang dianugerahkan Allah menerusi sumbangan kepada Dana Wakaf dan Endowmen UUM serta dapat membuat tempahan nombor pendaftaran kenderaan UUM sebagai satu cara menunjukkan sikap patriotisme dan 'Sayangi UUMku' ini.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.